

秋江煙草

河陽張弋彥發

一字韓白
號無隅翁

張君彥發湖海豪士不喜爲舉子學專意
于詩每以賈島姚合爲法所著僅成帙清
溪閑雅宛有唐人風致至其得意警絕之
句雜之兩人集內殆未易辨彥發思甚苦
未嘗苟下一字每有所作必鎔鍊數日乃
定揆其用力蓋倍于江西之學人必從事
于此而後知其難且工彥發舊名奕字韓



白世爲孟之河陽人嘉定戊寅仲冬八日

古晉丁煇晦夫書

白一作伯

寄趙紫芝

獨遊非一事書札故應遲
江上逢春日湖邊幾醉時
有雲爲我伴終日誦君詩
百鳥鳴花樹聲聲在遠思

得山中友人書

近得山中信山中頗寂寥
酒方收秫釀薪旋割茅燒破屋
秋多雨平湖暗有潮不曾
逢客至默坐過清宵

春晚

萬事吾今飛絮輕此身如燕又巢成
暗思庾信家邊竹綠穉新添有幾莖

夏日從陳宗之借書偶成

自從春去後少省出柴扉
樹暗鴉巢隱簷空燕迹稀
憶山憐有夢當暑咏無衣
案上書堆滿多應借得歸

楚州

落帆停鼓灌湖頭
兩度陰晴到楚州
柳下人家嘗識面
笑求新句寫粧樓

江樓飲客

鄰家貰酒尊斟酌
共王孫老菜羹
遲熟凍油燈屢昏
夜寒人罷市
坐久僕敲門
隔岸歌明月
月明江水渾

遊蔣山

練布作方袍
因閑偶出遨
秋風城郭靜
寒色樹林高
鹿守禪關老
僧修佛殿勞
再來思久住
人世事如毛

送蔡監城赴高郵

城古似盤盂
榮分刺史符
夏新看藕葉
夜久見蠙珠
吏過朱方接
山從邵伯無
文游遺迹在
民俗易相孚

送杜晦之兄弟歸閩

秋來猶苦熱
歸去莫貪程
官寫新銜位
詩傳舊姓名
幾家村酒賤
一路澗泉清
想到鄉閭日
爭看兩弟兄

簡周宗聖

曠野有芳芷近江無早鶯春詩定多少句
日又清明樹暗憐楊柳花開認橘橙相尋
每垂阻夢裏亦愁生

暮春

日日雨霏霏開門無所之漫尋花發處已
過絮飛時替紙蠶生遍脩巢燕立危但催
人老去羞作送春詩

遊長干留寄聰公

曾去尋芳草客來看落花就齋盤乞米偕
水鼎煎茶日炙春無色風吹天有沙欲回
成再住此意問林鷗

舟次湖口追憶任明府

重來又十年山水故淒然獨宦仍爲侶雙
鳧已作仙濁流分蜀派青色聚淮煙石上
留魚者猶言縣令賢

慈母磯

莫言舟逆上子細得看山衆草名難識孤

花影自閒避人鷹翅響經雨石文斑夜久
江風冷神仙定往還

寄別顏伯奇

情深袂怕分豈不欲辭君轉枕方乘曉思
山已隔雲菊當前路見雁在半江聞把盞
秋纔好遙憐白鷺群

送宋謙父之清江因簡希亮

吟詩夕陽裏相送上瀟灘前路逢梅處同
誰倚棹看歲窮風力緊江濶雁聲寒持此
呈蘇李人生識面難

高郵送紫芝

重逢又重別把盞更淒然明月帆開岸平
湖水接天好詩應自作音狂夢與誰圓我
欲來相趨揚州且住船

逢王元佐

寂寞淮南道憑君獨記余始知元住此久
悔不通書暮岳笛同眺寒房與借居共懷
京邑讌已是二年餘

李景文移居

能詩留幕府借宅近南湖
吏去少公事客來多
釣徒雪爲今夜梅發去年枝
戎亦同州住相路不迂

元日

曆以寅爲正風從艮位來
桃符當壁寫行戶趁鐘
開宿雨滋初茁長年老不
材滿庭青柏葉惆悵獨持盃

送胡道士歸康廬

避世懷孤往爲菴近五巒
出無人作伴歸有崔相看
老石苔衣淨溪山瀑布寒
自言猶養母應未得燒丹

豫章別紫芝

吟苦事俱廢拙溪貧未除
年來如旅燕秋至即移居
古道行黃葉空囊貯素書
一生江海恨惟子最知余

子山寺

迢遞前朝寺經過遂一遊
白雲鴉樹曉黃

葉鳳臺秋僧舉開山話人消在世愁殿廊
經劫火已費十年脩

送郭道士之江州

盡看山南景忽思山北遊履過雲亦動琴
罷月還留世上非無熱林間一似秋雖然
乍相識別去也能愁

彭蠡阻風寄城中故人

欲行行未得累日滯孤舟日照山近風
吹水倒流地名人不識秋景客相愁憶爾
惟成夢遙知獨倚樓

留滯

蕭條十日餘留滯別人居借吏抄陳作黏
牌學草書烟清數村晚月落一潭虛吾自
疑秋色那堪樹木疎

送翁十赴舉

今年科詔下頗亦動山情丹灶留雲守書
裝冒熱行卜知三命勝業騰一經明倘赴
瓊林宴能詩舊有聲

再送盛君之昇州

君與余皆懶余如君更貧今年再同夏兩
鬢獨非春去棹孤山浪征衫西府塵似聞
仍用武爲竈立功人

再送石父

弟行兄出送有約共憑闌草木雨初過江
湖路轉難同懷年各長重別酒無歡明日
雙鐘下蒼崖應獨看

移菊

秋風籬落遠晨起自移栽稍覺微根損須
遲數日開
人愛重乍見蝶疑猜昔有
陶元亮因茲歸去來

贈沈莊可

卷上芳名舊所知見君還恨識君遲數莖
短髮沾霜白一葉扁舟觸浪危開遍菊名
因作譜畫將蘭本要求詩向南郡邑多經
過楚士能狂叟有誰

寄蘇希亮

因何也識閒名字遂託交遊索近詩想像
獨吟應更苦分明此意似相知空林日短
歸鴉早遠水寒多雁到遲安得爾來同度
歲傳聞畫筆最清奇

送徐和卿之上饒

江樹雜丹青江寒少得晴亦知君去路多
是水爲程銜位猶書岳遊從半作卿如逢
二泉子因說野人名章泉澗泉
皆居信

山行

偶作山行只杖藜歸逢寒日下山時與僧
並立看紅樹忽有雀來棲樹枝

送人歸南康

我來方與廬山別爾去廬山是故鄉前日
住山渾不覺如今山遠却思量

舒州歲暮

窮冬日日愛天晴古寺門開絕送迎野雀
忽來橋上立山僧獨向水邊行過寒梅樹
白全少入臘草芽青漸生又是舒州一年

了怕看新曆動鄉情

廣教寺 即二橋故宅

英雄居處終竒特幾度欲來今始能騎省
文高存古篆橋公樹朽長寒藤清流併遠
分三澗翠竹相依住數僧沙鳥詎知千載
恨日斜飛下立漁翁

遊禪林寺

寺置蕭梁曾識少今朝薜磴始經過天低
落日江湖遠烟冷風清竹樹多蟲引翠禽
行壞屋馬驚白犬吠懸蘿一僧九十形容
古岩下逢余忽浩歌

漢東郡齋夕坐

廬山解夏洪山去自到山邊葉已飄鴻雁
影多憐塞近交朋書少覺身遙屢遊騎慣
將軍馬不飲還封道士瓢心憶清吟夏岑
寂玉京誰與話寒宵

遊智門寺 寺即隋文帝故宅

一間瓦屋荒山裏山路縈迴夕照明祇有

比丘頭雪白旋收經卷出相迎
傳聞此地有龍飛佛殿殘磚刻鳳螭事去
千年無問處寂寥衰草卧苔碑

畫坐

出門無所往獨自坐胡床雨濯殘梅盡風
吹百草長近邊人喜戰偶病客傳方不奈
春愁密思君對酒觴